

FUNDACIÓN OLGA GALLEGO

Plan de actuación



2015

Contido

1. INTRODUCCIÓN.....	3
2. ORZAMENTO DA FUNDACIÓN PARA O ANO 2015.....	5
3. OBXECTIVOS.....	6
4. ACTIVIDADES.....	6
4.1. Difusión da Fundación na Rede.	7
4.2. Creación do Premio Olga Gallego sobre investigación arquivística.....	7
4.3. Inicio da preparación das I Xornadas de arquivos Olga Gallego.	8

1. INTRODUCCIÓN.

A Fundación Olga Gallego constituíuse na Coruña o día 24 de febreiro de 2014 por escritura pública outorgada perante o notario don José Manuel Lois Ponte, do Ilustre Colexio de Galicia, por dona Pilar Gallego Domínguez, irmá de Olga, e don Pedro López Gómez, que é presidente vitalicio dela.

A Fundación, que ten a súa sede na rúa Rosalía de Castro 13, baixo, 15004. A Coruña, está dotada cun capital inicial de 200.000 € (douscentos mil euros) e persegue os seguintes fins:

- A protección, defensa e fomento dos Arquivos e do Patrimonio documental de Galicia e de interese para Galicia, e doutros territorios con vínculos culturais coa nosa comunidade como América e Portugal.
- O fomento da investigación sobre Arquivos e documentos de Galicia e de interese para Galicia, e doutros territorios con vínculos culturais coa nosa comunidade como América e Portugal.
- O fomento e estudo da Arquivística.
- O fomento da formación dos profesionais dos arquivos.

Para a consecución destes fins, e de acordo co artigo 7 dos seus Estatutos, que constan anexos á escritura fundacional, a Fundación pode realizar as seguintes actividades:

- a) Organizar congresos, xornadas, exposicións e certames sobre temas de interese para os arquivos e para os profesionais dos arquivos.
- b) Organizar conferencias, seminarios e outras actividades encamiñadas á difusión e ao coñecemento dos arquivos e do patrimonio documental
- c) Establecer comisións e grupos de traballo que realicen investigacións, estudos, enquisas e proxectos relacionados cos arquivos e os profesionais dos arquivos.
- d) Favorecer a investigación científica e técnica sobre arquivística, arquivos e documentos.
- e) Organizar premios de investigación en materia de protección, fomento e defensa do patrimonio documental, ou calquera outro aspecto relacionado coa arquivística e os arquivos.

- f) Editar traballos sobre arquivos e patrimonio documental
- g) Organizar cursos e outras actividades formativas relacionadas coa arquivística e cos arquivos.
- h) Crear canles de comunicación con institucións relacionadas cos arquivos e cos profesionais dos arquivos
- i) Así como calquera outra actividade de natureza análoga ás anteriores

A Fundación, con Número de Identificación Fiscal definitivo G70402698, poderá realizar actividades económicas que teñan por obxecto o cumprimento dos fins fundacionais, ou sexan complementarias ou accesorias das anteriores, con sometemento ás normas reguladoras da defensa da competencia.

A Fundación foi clasificada de interese cultural para os efectos da súa inscrición no Rexistro de Fundacións de Interese Galego por Orde da Vicepresidencia e Consellería de Presidencia, Administracións Públicas e Xustiza da Xunta de Galicia, adscribíndoa ao protectorado da Consellería de Cultura, Educación e Ordenación Universitaria por Orde do 28 de maio de 2014 (DOG núm. 118 do 23 de xuño de 2014). Por Resolución do 30 de xuño de 2014, da Secretaría Xeral Técnica da Consellería de Cultura, Educación e Ordenación Universitaria, declarouse de interese galego e ordenouse a súa inscrición no Rexistro de Fundacións de Interese Galego da Fundación Olga Gallego (DOG núm. 132, do 14 de xullo de 2014).

De acordo co artigo 12 dos seus Estatutos, a Fundación está composta por un padroado, constituído polas seguintes persoas:

D^a Pilar Gallego Domínguez. Presidenta honoraria.

D. Pedro López Gómez. Presidente.

D^a María Dolores Pereira Oliveira. Vicepresidenta.

D. Gabriel Quiroga Barro. Secretario.

D^a Isabel Buján Bernárdez. Vogal. Representante da Asociación de Arqueiros, Bibliotecarios, Documentalistas e Museólogos de Galicia (BAMAD-GALICIA).

D^a María del Mar García Miraz. Vogal.

D^a Olimpia López Rodríguez. Vogal.

D^a Minia Martul Tobío. Vogal.

2. ORZAMENTO DA FUNDACIÓN PARA O ANO 2015

Para a realización das súas actividades, a Fundación aprobou na súa xuntanza do día 19 de decembro de 2014, o seguinte orzamento:

INGRESOS (€)				GASTOS (€)		
	Capital	Xuros	Rendemento	Adquisición dun teléfono móbil		100
				Gastos xestoría		242
Dotación inicial	200.000			Logotipo e imaxe corporativa		423,5
				Dominio páxina web		1.908,654
Depósito prazo fixo	150.000	0,85%	1.275	Premio Olga Gallego sobre investigación arquivística.		2.000
				Gastos de xestión do Premio Olga Gallego sobre investigación arquivística.		500
Conta corrente	50.000	0%	0	I XORNADAS "OLGA GALLEGO" DE ARQUIVOS: "Transparencia versus Corrupción: os arquivos e a democracia".	Viaxes (4 ¹ persoas)	1.500
					Aloxamento	280
					Relatorios	400
					Axudas de	240

¹.- Estimación. Calculáronse dous relatores máis ademais dos xa comprometidos.

INGRESOS (€)				GASTOS (€)		
Matrículas xornadas			1.050 ²		custo	
SUMA DE INGRESOS			2.325	SUMA DE GASTOS		7.594,154
DIFERENCIA GASTOS-INGREOS				-5.269.54		
SITUACIÓN PATRIMONIAL AO FINALIZAR O ANO				194.730,46		

Xa que logo, con excepción dos rendementos achegados pola conta de aforro a prazo fixo de que dispón a Fundación e do importe das matrículas nas Xornadas Olga Gallego de Arquivos, non están previstos outros ingresos durante este primeiro ano de funcionamento.

3. OBXECTIVOS

Para o ano 2015 se prevé continuar as actividades iniciadas durante o ano 2014. Estas teñen como obxectivo dar cumprimento, por unha banda, aos fins da Fundación enunciados máis arriba e, por outra e de forma complementaria, acadar a máxima difusión pública posible.

4. ACTIVIDADES

Así pois, o plan de actividades para o ano 2015 comprenderá o desenvolvemento das accións deseñadas no ano anterior e aprobadas na xuntanza do 4 de marzo de 2014: 1. Difusión da Fundación na rede, 2. Creación do Premio Olga Gallego sobre investigación arquivística e 3. Preparación das I Xornadas de arquivos Olga Gallego.

Preténdese concluír todas estas actividades no transcurso do ano, de acordo co seguinte calendario provisional:

².- Estimación baseada nunha afluencia de 60 persoas, das cales, o 50% serían estudantes e parados (10 €), e unha matrícula de 25 € para o resto.

Actividade	Data de realización/finalización
Difusión da Fundación na rede (portal web e deseño de imaxe corporativa)	Marzo 2015
Premio Olga Gallego sobre investigación arquivística	Decembro 2015
Preparación das I Xornadas de arquivos Olga Gallego	Outubro 2015

4.1. Difusión da Fundación na Rede.

Co asesoramento da Asociación de Bibliotecarios, Arquiteiros, Museólogos e Documentalistas de Galicia, establéronse en primeiro lugar o itinerario e os medios para conseguir a máxima difusión en internet. Estes deberían ser: a creación e rexistro dun dominio; a creación dun portal web e dunha conta de correo electrónico corporativo.

Baixo estes presupostos, durante o ano 2014 realizáronse as seguintes actividades:

- Fixación do contido e da estrutura do portal.
- Selección e contratación dunha empresa que realice o deseño, rexistre o dominio, se encargue do aloxamento da páxina e cre unha conta de correo electrónico corporativo. Resultou adjudicatario do proceso de selección a empresa Enxenio, por valor de 3.181,09 €, IVE incluído.

Durante o ano 2015 preténdese rematar este proceso, que vai supoñer tamén o lanzamento público da entidade e o comezo oficial das súas actividades.

4.2. Creación do Premio Olga Gallego sobre investigación arquivística

O Padroado da Fundación decidiu que esta sería a primeira actividade pública que faría e por tanto debería dársele prioridade sobre as demais.

A tal fin, constituíuse un pequeno grupo de traballo para avanzar na súa organización. Formaron parte del Olimpia López, Isabel Buján e M^a Dolores Pereira. Este grupo comezou por analizar un cadro comparativo a partir da información que recolleron de diferentes fontes.

O contido do proxecto de convocatoria elaborado por este grupo foi aprobado polo Padroado na súa reunión do 19 de decembro de 2014.

Está previsto anunciar esta actividade no momento de lanzamento da páxina web.

O obxecto deste premio é destacar, impulsar e difundir traballos sobre investigación en Arquivos. Vai destinado a persoas tituladas universitarias nos últimos 5 anos de xeito individual ou colectivo. Está dotado cunha soa recompensa de 2.000 euros.

Os traballos que se presenten poderán ter unha extensión máxima de 200 páxinas e mínima de 50. Serán orixinais e inéditos, non premiados nin procedentes doutros fallos e versarán sobre cuestións teóricas sobre: tratamento arquivístico, custodia, acceso, difusión e historia da Arquivística, dos arquivistas, das arquivistas e dos arquivos. Serán xulgados por un xurado composto por 5 persoas pertencentes ao ámbito da arquivística e dos arquivos, do que non poderán formar parte os membros do Padroado.

O traballo premiado, xunto cos que obteñan mencións honoríficas, publicaranse en formato electrónico de forma permanente na páxina web da Fundación.

4.3. Inicio da preparación das I Xornadas de arquivos Olga Gallego.

Para a preparación inicial destas actividades, conformouse unha comisión con M^a del Mar García, Pedro López e Gabriel Quiroga. Aínda que inicialmente se prevía que o tema das primeiras xornadas sería o de *Arquivos dixitais e retos profesionais*, posteriormente se decidiu que tería maior interese abordar a materia da *transparencia* (que non deixa de estar ligado tamén aos arquivos dixitais). Con esta fin, contactouse con Severiano Fernández Ramos, catedrático de Dereito administrativo da Universidade de Cádiz, con Daniel de Ocaña Lacal, arquivista do Tribunal Constitucional, e con Elena Rivas Palá, arquivista municipal de Zaragoza; todas persoas de recoñecido prestixio no mundo dos arquivos, e particularmente en relación con este tema, como relatores principais. Os tres aceptaron participar no evento.

Así pois, as Xornadas, que levarán o título de “Transparencia versus corrupción: os arquivos e a democracia”, desenvolveranse durante dous días no mes de outubro do ano 2015 e organizaranse ao redor deses tres relatores principais con sesións de comunicacións e unha mesa redonda.

Haberá un comité de honor, un comité organizador, probablemente composto polo propio Padroado, e un comité científico para avaliar as comunicacións que se presenten.

A Coruña, --- de febreiro de 2015